

НА ВЕЛИЦЕЙ ВЕЧЕРНИ

Стихологисуем Блажен муж: первый антифон.

На Господи, воззвах: поставим стихов 8 и поем стихиры само-гласны, Иоанна монаха, каждую стихиру по дважды.

Глас 6-й:

1. Стих: Из глубины воззвах к Тебе, Господи,/ Господи, услыши гла́с мой.

2. Стих: Да будут уши Твои/ внемлюще гла́су молéния моего.

**Рождеству сотворяemu безстуднаго Ирода,/ скверныя пля-
сащицы исполняшеся сложение кля́твы:/ Предтечева бо глава,
отсекшися, я́ко снедь,/ ношашися на блюде возлежáщим./ О,
пира мérзка,/ непреподобна деяния и убийства испóлнена!/
Но мы Крестителя, яко в рожденных женами бóльша,// достойно чту́ще, ублажаем.**

**3. Стих: Аще беззакония назриши, Господи, Господи, кто по-
стоит;/ яко у Тебе очищение есть.**

**4. Стих: Имене ради Твоего потерпех Тя, Господи, потерпе-
душа моя в слово Твое,/ упова душа моя на Гóспода.**

**Пляса ученица вселукаваго диавóла/ и главу твою, Предтече,
мздú взят./ О, пира, испóлнена кровéй!/ Лучше бе не
кля́тися,/ Ироде беззаконне, лжи внúче./ Аще ли же и кля́лся
еси,/ но не о добре кля́лся:/ лучше бе согавшу жизнь полу-
чýти,/ неже истинствавшу главу Предтечеву усéкнути./ Но
мы Крестителя, яко в рожденных женами бóльша,// достойно
чту́ще, ублажаем.**

**5. Стих: От стражи утренния до нощи, от стражи утренния,/ да
уповает Израиль на Гóспода.**

**6. Стих: Яко у Господа милость и многое у Него избавление:/
и Той избавит Израиля от всéх беззакóний его.**

Не подобаше ти, о Ироде,/ прелюбодеянию обличíтеля,/ ради рачения сатанинска/ и разжжения неистовнаго блуда смертию осудíти./ Не подобаше ти того всечестнúю главу/ пребеззаконной жене ради клятвы плясания предати бéдне./ О, како дерзнул еси таково убийство соверши́ти!/ Како же не опалися скверная плясáвица,/ посреди пира на блюде носящи сию?/ Но мы Крестителя, яко в рожденных женами бóльша,// достойно чтúще, ублажаем.

7. Стих: Хвалите господа вси языцы,/ похвалите его вси лю́дие.

8. Стих: Яко утвердися милость Его на нас,/ и истина Господня пребыва́ет во век.

Паки Ирода бесится, паки смуща́ется./ О, плясания льстивна и пира с лéстию!/ Креститель усекашеся и Ирод смуща́шеся./ Молитвами, Господи, Твоего Предте́чи,// мир подáждь душам нашим.

Слава, глас тойже:

Рождеству сотворяему безстуднаго Ирода,/ скверныя плясáвицы исполняшеся сложение кля́твы:/ Предтечева бо глава, отсéкшися,/ яко снедь ношашеся на блюде возлежáщим./ О, пира мерзка, непреподóбна/ деяния и убийства испóлнена!/ Но мы Крестителя, яко в рожденных женами бóльша,// достойно чтúще, ублажáем.

И ныне, Богородичен, глас тойже:

Кто Тебе не ублажит, Пресвятая Дéво;/ кто ли не воспоет Твоего Пречистаго Рождествá;/ безлетно бо от Отца Возсиявый Сын Единорóдный,/ Тойже от Тебе, Чистыя, прóйде,/ неизреченно вопло́щся:/ естеством Бóг сый,/ и естеством быв Человек нас ráди,/ не во двою лицу Разделя́емый,/ но во Двою Естеству неслитно Познавáемый./ Того моли, Чистая, Всеблажéнная,// помíловатися душáм нашим.